



QUÆSTIO MEDICA.

*Cardinalitiis disputationibus manè discutienda in Scholis
Medicorum, die Jovis 18 Februarii 1717.*

M. MICHAËLE PROCOPE COUTEAUX,
Doctore Medico, Præsides.

An Aër frigidus & siccus salubrior?

I.

MEDICINÆ pars ad praxim spectans, Theoreticâ cognitione præstantior. Hæc enim Systematibus sæpè falsis, saltem instantibus nititur, pro tempore, loco, varia apud varios; illa è sinu naturæ prodit, experientiâ probatur. Hujus pars duplex circa sanitatem occupata, quatenus scilicet vel præsentem conservat, *ἐπιτηδεύουσα* insignita nomine; vel amissam recuperat, *ὑγιαίνουσα* vocata. *ἐπιτηδεύουσα* præcipua laus esto: Nusquàm enim *ὑγιαίνουσα* operâ egemus nisi propter in vitæ ratione Erratum. Beatus ille qui bonâ valetudine gaudet. Sanitas auro pretiosior: faciliùs servatur præsens; amissa, vix, vel ægrè, & longo cum tempore, fastidio, redintegratur. Consideranda nobis igitur ea veniunt de quorum usu legitimo tractat hæc scientia. Res vulgò non naturales dicunt, eò quòd humani Corporis naturam, (compositionem puta,) non ingredientur. Inter illa non infimum tenet locum Aër, vitæ spiritus hæud ineptè dictus: quamobrem qui dotibus ad sanitatem conservandam necessariis magis est præditus, is eligatur.

II.

SANITAS, cùm sit aptitudo in corpore ad exercendas actiones homini proprias cum facilitate, oblectamento, & quâdam constantiâ, & cùm posita sit in determinatâ mobilitate partium tam firmarum quàm fluidarum, seipsam sensim destruit mechanicâ ipsius molis humanæ

compagē; quā etiam quotidie deteritur ex abusu rerum non naturalium, quibus non tam utimur quam abutimur. Inter hæc, injuriæ & vicissitudines inevitabilis & necessarii semper Aëris, majori damno corpus afficiunt. Hujus itaque diligens delectus, & in præscribendis de ipsius usu legitimo, legibus, magna cautio habenda. Difficile tamē ita promulgare has leges, ut observatio earum omni homini æqualiter profuit. Hujus difficultatis causa ab unicujusque *idiosyncrasia* ut plurimum pender; propter hanc enim in variis hominibus sæpè numero unius & ejusdem Aëris effectus oppositi.

III.

AERIS nomine, intelligenda venit liquidi moles illa corpus nostrum immediatè ambiens ex omni parte, & quam inspiratu maxime ducimus. Hæc vel placida, tunc Aëris nomine simpliciter designatur; vel sapientis sensiliter commota, & Ventī nomen fortitur. Ventus ergo merum Aëris accidens. Ventorum differentia seu divisio generalis in erraticis & regularibus admittitur, & quidē appositè; illi enim ex incertā regione, hi à certā mundi plagā, spirant. Regularium præprimis habenda ratio: Erratici nempe à locis præsertim pendent. Illorum quidam anniversarii, Cardinales alii dicuntur quod à quatuor veluti mundi Cardinibus spirent.

*Nam modo purpureo vires carpit Eurus ab ortu,
Nunc Zephyrus sero vespere missus adest.
Nunc gelidus sicca Boreas bacchatur ab Arcto,
Nunc Notus adversā prælia fronte gerit.*

Aëris, sicut & Ventorum, potestas omnis tū à substantiā, subtili vel crassā, vaporibus repletā vel iisdem orbā; tū à primis qualitatibus, oritur & agit in nobis. Magna in Aëris delectu habenda cautio. Aquilone crede, seu frigidum & siccum sanitati magis convenientem, utpotè qui minores noxas, quàm ceteræ species corporibus infert; & à quo præterea humani corporis functiones ab ipso pendentes ad amissum peraguntur.

IV.

BONA respiratio, insensilis perspiratio laudabilis, functiones in nobis ab Aëre præsertim pendentes. Utraque facilius in Aëre frigido sicco peragi docet natura; his enim dotibus Aër præditus suo gaudet elaterio; Unde pulmonis explicatio facilior, in ejus vasis contenti sanguinis divisio major, conquassatio, tritus fortior. Ex pulmonibus in sinistrum cordis ventriculum, & à corde per Aortam in omnes corporis partes sanguinis ejusdem validior impulsus, expeditus circuitus; à qui-

bus vita, motus, secretiones dependent omnes. Quod verò ad insensibilem perspirationem spectat, audi SANCTORIUM à SANCTORIO. Aër
 » frigidus, lavacra frigida, corpora robusta calefaciunt, eaque auferendo superfluum, reddunt leviora. Idem paulò infra in Aëre frigido
 » salubri, (idest sicco,) prohibetur quidem perspiratio, densantur meatus, sed roborantur fibræ & perspirabilis retenti pondus, nec lædit, nec sentitur. De Aëribus quoque sermonem faciens divinus Senex,
 » frigidum & siccum ità commendat: Tempestates, inquit, Aquiloniæ
 » quidem solida reddunt corpora, tùm etiam firma & ad motum expedita, & benè colorata.

Stalices

Sectione 2.

Aphor. 1.

Stalices

Sectione 2.

Aphor. 7.

Aphor. 17.

Lib. 3.

V.

AER calidus, humidissima Oculorum, Narium, Aurium, Oris, Asperæ Arteriæ dissipat; Vascula exsiccant, Pulmonis cruorem magis cogit; utrâque causâ Pulmonis actiones impedit; multos morbos indè oriundos excitat; humores semper tenuiores aufert, dissipat mobiliora, lentiora aggregat, compingit, exsiccant; ergo partes Aquosâs, Spirituosâs, Salinas volatiles, assiduò diminuit: Contra verò Salina fixiora, Olea crassa & tenacia, Acrâ exusta, tùm terrestria fixa auget, accumulât, in Massas irresolubiles unit; hinc itaque Immeabilitas humorum, simul elongatio & debilitatio solidorum, & quæ indè sequuntur obstructio, exsiccatio, inflammatio, coctio læsa & impedita. » In Aëre
 » calido corpus est minoris roboris, tùm quia cum perspiratione exhaustum, lat aliquid bonorum spirituum, tùm quia calor non est concentratus:
 » ita Sanctorius. Si Aër sit humidus, laxat, solvit, debilitat; fibrâs imprimis Pulmonales, serum Pulmonis retinet, auget, accumulât, perspirationem in his prohibet. Hinc Aër Austrinus omnium possimus undè.

Stalices

Sectione 2.

Aphor. 25.

Lebiferis calidi spirant astibus Austri.

» Austri cum suis collateralibus, inquit Hippocrates, calidi sunt & humidi, Nubium & Pluviarum parentes. Idem alibi, Austrinæ tempestates corpora planè resolvunt & humidiora reddunt, tùm etiam
 » Auditus graves; & capitis gravitates, Vertigines inducunt tenebrosos, tùm ipsis oculis totique corpori in movendo difficultatem affecerunt, alvumque humidam reddunt. Notus etiam humidus nocet corporibus; quando

Aphor. 5.

Lib. 3.

Aphor. 17.

Lib. 3.

..... Madidis notus evolat alis,

Terribilem, piceâ tellus caligine vultum:

Barba gravis Nimbis, canis Fluit unda capillis,

Fronte sedent Nebulae, rorant pennaeque sinusque.

Itaque Venti calidi, humidi habent noxas & Nocumenta; Audiendus
jam Boerrhave, Aër purus, inquit, campestris, Montanus, frigidior,
*De Distantia ad Longa-
vitatem.* laudatur præ cæteris. Si tamen purus & vacuus exhalationibus, siccus
scilicet, nec vaporibus gravis.

Ergo Aër frigidus & siccus salubrior.

Proponebat Parisiis GABRIEL-ANTONIUS JACQUES,
Baccalaureus Medicus, A. R. S. H. 1717.

Typis JACOBI QUILLAU, Universitatis, & Facultatis Medicinæ
Typographi.